

Date – 19/06/2025

Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. **Aizawl Civil Hospital-a AYUSH Dept chuan Yoga chu nitin natna hrang hrang enkawl nan tangkai taka hman mek a ni a ti.**
2. **Mizoram State BJP President Pu Vanlalthmuaka chuan BJP party chu hlah chi a ni lova, chhawr chi a ni a ti.**
3. **Mizorama Horticulture hmasawna chuan Prime Minister Narendra Modi-an ram hmasawn a India siam a duhna Viksit Bharat ah nasa takin a thawhlawk thei tih Thenzawl-a College of Horticulture Dean Dr Shri Dhar-an a sawi.**
4. **Iran ram a India mite hruaichhuah na tur Operation Sindhu chu kalpui tan a ni.**

<><><>

IDY

Aizawl Civil Hospital-a AYUSH Medical Officer Dr. Laltlankimi Ralte chuan Yoga chu nitin natna hrang hrang enkawl nan tangkai taka an hman thu a sawi.

Akashvani Correspondent Vanlalruata'n a kawmnaah he thu hi sawiin Dr. Laltlankimi Ralte chuan Yoga chu natna chi hrang hrang enkawl nan an hman reng tih a sawi a. Yoga hmanga insawizawi chu Asanas tih a nih thu leh taksaah boruak tha a tihpun thu leh taksaah thil tha lo te a tihhniam theih thu a sawi a. Hei hian taksa chu mahni leh mahnia intidam turin a pui thin tih a sawi.

Dr. Laltlankimi Ralte chuan Civil Hospital-a an OPD-ah chuan a bik takin kawng na, nghawng na, zan mu tha thei lo leh adangteah an hman nasat thu a sawi a. Hei mai bakah hian natna thenkhat zunthlum, BP sang leh rilru lama harsatna neiah te an hman tangkai thu sawiin Yoga chu nu naupai lai tan pawh a tha hle tih sawiin an hman tur bik insawizawina a awm vek thu a sawi a. Naupang thang lai tan te, rilru sawrbing thei lo tante leh thil dang tam tak enkawl nan a tangkai hle a ni a ti a. Heng natna bakah a sawilan loh natna dang tam takah nitin tangkai takin Yoga chu an hman tih a sawi a ni.

International Yoga Day atan Ministry of AYUSH chuan item chi hrang hrang 10 tihtur a rawn chhawpchuah thu leh hetah hian Mizoramah chuan thingphun 'Harit Yoga' leh hmun khata a huhua Yoga tih, 'Yoga Sangama' te tih tura ruahmanna kalpui mek a nih thu a sawi baw.

Khawvel pumah International Day of Yoga chu June ni 21 hian hman a ni dawn a. Kum 2014 khan Prime Minister Narendra Modi chuan United

Nations General Assembly ah June ni 21 chu International Day of Yoga atan a rawt a, he rawtna hi United Nations General Assembly chuan pawmpuiin khawvel pumah June ni 21 chu International Day of Yoga atan hman alo ni ta a ni.

Yoga hian India ramah hmanlai atangin zung a kai thuk hle a. Indus Saraswati Valley culture thlarau lam thil tih atanga intana ngaih a ni a. Hun a kal zela Yoga chuan hmun pawimawh tak chang chho in, hriselna kawnga discipline pawimawh tak niin khawvel pumah kum 2014 atang khan International Day of Yoga hi hman tan a ni ta a ni. Kumin 11th International Day of Yoga pual hian “Yoga for One Earth, One Health” chu thupui a hmangin Yoga chuan inpumkhatna leh damna a thlen tih hman a ni.

<><><>

HEALTH MINISTER

Health Minister Pi Lalrinpuin Mizorama mihring awm zat atanga chhutin HIV vei chu zaa 2.73 an awm thu leh Mizoram chu India ram puma a sang ber a nih thu a sawi.

Nimina a Mizoram State Aids Control Society (MSACS) Governing Body thutkhawmah he thu hi sawiin Minister chuan Mizoram dinhmun chu veiawm a tih thu leh HIV do zel tura chak zawka hma lak a tul thu a sawi a ni.

Thutkhawmah hian MSACS Director Dr. Jane Rinzuali Ralte chuan report pein April 2024 atanga March 2025 chhungin Mizorama ART Centre 14 ah HIV vei mi 2,069 inziaklut thar an awm thu leh, ART dawngte zingah midang hnena kaichhawng thei lo tur mi zaa 97.7 an awm thu a sawi a. Kum 5 kal ta vel atang khan Mizoram ah HIV vei thar an tlem tual tual thu a sawi a. Mizoram State Blood Transfusion Council chuan Excellence in Blood Donation 2023-24 lawmman dawngin North-Eastern states te zinga titha ber a nih thu a sawi bawk a ni.

Thutkhawmah hian MSACS-a contract a lakte hnathawh dan enho a ni a. MSACS Governing Body member thar ruat dan tur te, Annual Action Plan 2025-26 leh State Budget-a HIV dona tura sum hman tur dah a tul thute sawiho a ni.

<><><>

VIKSIT BHARAT- BJP

India ram chu kum 2047 ah khawvela ram changkanga hlangchho tura Pu Narendra Modi kaihhruai sorkar in kum 11 kalta chhunga hma a lakna chu tum danga a la hmuh ngaih loh a nih thu Manipur Chief Secy hlui Pu PC Lawmkungan a sawi.

Aizawla BJP Professionals Meet ah thusawiin Pu Lawmkunga chuan, tunhma sorkar te hunlaiaa la thleng lo anih vang nge, tun kum 10 kaltaa BJP hmalakna ah BJP chuan tih tak takin hma a la ni a a hriat thu a sawi.

Eng sorkar pawh ni se a firfiak pawl an awm vek a, khatiang deuh khan BJP hnuaiah eng pawl emaw lo nei pawh ni se, BJP sorkar chu mipui huap a ni a, Mizoram a tel ve a, North East emaw Mizo te emaw a hmaih dawn lo a, a zar lo zo dan leh lo dawnsawn dan te inngaihtuah a ngai a ni a ti.



VIKSIT BHARAT

Mizoram State BJP President Pu Vanlalhmuaka chuan BJP party chu hlahh chi a ni lova, chhawr chi a ni a ti.

Nimina Lunglei YMA Conf. Hall-a Professional meet on Vikshit Bharat Ka Amrit Kaal, Seva Sushasan, Garib Kaltan Ke 11 SAAL prog. hman a ni a, he hunah hian thusawiin Pu Vanlalhmuaka chuan Pu Modi-a kaihhruai sorkarah PM Health Care chu Mizoramah mi nuai 5 in an chhawr mek a, rampumah Jan Dhan account siam in mi vbc 55 tan bank a/c hawnsak a ni a, Direct benefit transfer hmangin tanpuina an dawng a ni a ti. Insak tanpuina, Mizoramah mi 48000 tan inthiarna an siamsak a, JJM hnuaiah 124000 chuang tui an pe a, free gas connection mi 40000 chuang an pe a, PM Kissan ah mi nuai 1 aia tam an pe a, a dawng tur diktakin an dawng em tih erawh ngaihven a tul a ti.

BYTE

BJP chuan Building ropui sak vak vak a tum lo a, ei leh barah India mi tumah in an nghei tur a ni lova, fur chhung june, july, Aug thla ei tur pek vek tur Central in a ti a, Mizoram sorkar chuan a phur chhuak thei lo a ni a ti. Sumdawn bul tan nan Mudra Loan mi nuai chuang in Mizoramah an chhawr mek tih record a awm a, taktak nge erawh an hrelo tih sawiin hre lova, Journalist ten lo chhuichhuak se, diklo a awm anih chuan Delhi ah an report ang a ti.

Hawkers te pawh cheng Sing 5 atanga Loan pek tur siam a ni a, an dilna Bank in a pe duh lo anih chuan Union Finance Minister ah thlen mai tur a ti a. Kuthnathawk leh dawrkai te pawhin an in tih muk nan Loan an hmuhna tur PM Viswa karma tih tur a ni a, Loan an hmu ngei ngei tur a ni a ti.

Pu Vanlalhmuaka chuan Lunglei khawpui hmasawwna tur ti thei tu chu BJP Pu Modi a kaihhruai sorkar a ni tih sawiin MP inthlan dawnah a sawi thin a, Engineering College, MZU Southern Campus, By pass road tih te a ni a, mahse thlan loh tur an thlan avangin hmasawwna an nei theilo a ni a ti.

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



KHAWZAWL

Thla hlui May thla tawp lama ruahsur nasa vang khan Khawzawl District-ah leilet chhia engemawzat a awm a, Khawzawl District Agriculture Office chuan an Department a leilet chhe Report te chu DAO Pi Lallawmzuali hovin a hmunah kalin tunlai hian an endik mek a ni.

Khawzawl District Agriculture Office-ah hian thla hlui May thla tawp lama ruahsur nasa vanga leilet chhia Report thehluh a nih dan chuan Khawzawl District a khaw 19-ah leilet chhia a awm a. Khaw 19-ah hian chhungkaw 132 leilet enkawl Hectare 161 a zau a chhia a, hei bakah hian tuikawng metre 6430 a thui a chhe bawk a ni.



VIKSIT BHARAT-HORTICULTURE

Mizorama Horticulture hmasawwna chuan Prime Minister Narendra Modi-an ram hmasawn a India siam a duhna Viksit Bharat chuan nasa takin a thawhlawk thei tih Thenzawl-a College of Horticulture Dean Dr Shri Dhar-a chuan a sawi.

Pu Dhar-a chuan Horticulture hnuaia tharchhuah, thei, thlai, pangpar te leh eitur sawngbawl te chu zau takah thawhchhuah anih phawt chuan loneitute leh Mizoram sum leh pai dinhmun a siamthat mai bakah India ram ram changkanga siam turin a thawh ve dawn a ni a ti.

Mizoram chhung ram zaa 85 chu thil chi hrang hrang chin theihna tur forest area anih avangin hengte hi hman tangkaia, loneituten an bawh zau viau chuan hmasawwna a thleng thei a ti a, organic farming an tih bakah thei chi hrang hrang tuna thawhchhuah mek, lakhuihthei, dragon fruit, sapthei leh sunhlu te chu sum chang tura siam theih a ni a ti.

Pu Shri Dhar-a chuan Mizoram chu a awmna a kilkhawr avangin thei leh thlai thar thawhchhuah kawngah harsatna tawk mahse. sawngbawl hnua thawhchhuah theih vek an nih thu sawiin, hemi tanpui tur hian state pawn lam mi pawh an inhawng em em a ni a ti a, nasa zawka bawhzui ngai a ni a ti.



IRAN-ISRAEL

Iran leh Israel inkara buaina chhuak mek avang in Iran ram a India mite hruaichhuah na tur Operation Sindhu chu kalpui tan a ni. Nimin khan Tehran a Indian Embassy chuan India mi zirlai 110 te chu a hruai chhuak a, External Affairs Minister chuan thuchhuah siamin heng zirlai te hian nimin khan Yerevan atangin thlawhna hmangin an chhuak a tukin hian New Delhi an thleng dawn tih a sawi a ni.

